

4
CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
JUN 28 1932

5
CNL 3145/15.83

現
華
縣
志

鞏縣志卷之十五

鞏縣知縣

哈佛大學哈佛藥宗
圖書印

古蹟志上

聖人云無徵不信考古者必據經史為本博采群書
為證佐其裨官野史荒怪裡俗之說不錄焉又必
論精確衷於至當無穿鑿無踏駁無攻訐斯是傳信
千載矣施府志考証綜核立論亦正茲以為編纂
亦發明數條於下焉志古蹟

邑城

周坎氏邑

春秋僖二十四年傳王出及坎欲往

地 路史坎氏鞏縣東坎皆聚服云鞏東邑

周鄂邑 春秋昭二十三年傳郊鄂潰杜注郊鄂一邑

皆子朝所得 水經注洛水歷鄂中水南謂之南鄂

亦曰上鄂鞏洛渡北謂之下鄂亦謂之北鄂南鄂

蓋周大夫鄂盼之舊邑也 路史傳 羅水謂之長川

文淵閣校本 亦曰羅中蓋盼子鄂羅之宿居故曰

其名耳 施府志羅為盼之子鄂羅之宿居即鄂

之舊邑水經注解羅水得名以近鄂羅之居而名之

非謂鄂盼鄂羅之居有兩地也

周禮卷之六 注莊元年王使榮叔來錫

公命杜注榮叔周大夫榮氏叔字案竹書成王九年

榮伯錫肅慎氏命厲王元年王作夷宮命卿氏榮

夫公落韋昭曰榮國名馬融曰周同姓畿內諸侯為

卿大夫也昭二十二年王崩於榮錡氏杜注河南鞏

縣西有榮錡澗路史以為即榮國周脾經有榮方戴

記宰我問有榮伊 施府志周有榮叔殷有錡氏二

者皆依榮錡生意並存之可也

周石氏邑 山河兩界考注莊十九年傳石速與五大

夫作龍圖蘇氏杜注勝夫石速也周語惠王三年石

速出王而立王子頹是也水經注洛水又東逕鞏縣

故城南又東濁水注之又東北合河水水發南谿石
泉亦名爲石泉水今鞏縣東南有石子河石蓋其采
地也昭二十三年王使石張如晉定十四年天王使
石尙來歸厥是皆石速後 施府志石子河方輿紀
要以爲玉仙河今鞏玉仙河水入汜不入洛與水經
注石泉入洛異鞏又有石河道在鞏西不在鞏東
水經注亦不合據水經注當卽市河水耳

周皇邑 春秋昭二十二年劉子單子以王猛居於皇
左傳單子以王次於皇郟胖代皇杜注河南鞏縣西
南有黃亭 水經注京相璠曰訾城北二里有黃亭

宋本此亭也春秋所謂次於黃者也 施府志

說嵩見水經注黃皇字異以爲次於黃乃登封許由
所居之黃城而反疑長人爲誤今據春秋傳單子欲
如晉告急以王次於皇晉籍談荀燦賈辛司馬督帥
師軍於陰於侯氏於谿泉次於社侯氏卽緄氏近鞏
谿泉卽明谿社卽五社津皆鞏地晉人勤王之師俱
在鞏而謂皇爲登封之黃城去鞏尙百餘里當不其
然

訾城 春秋昭二十二年傳夏四月己酉單子取訾
水經洛水又東逕訾城北又東羅水注之 施府志

警城今名警店俗又謠為小芝田東北里許為羅水入洛處在縣西南四十里

周東警城

春秋昭二十四年傳王子朝用成周之寶

珪於河津人得諸河上陰不接拘得玉者取其玉將

賣之則為石王定而獻之與之東警 二十五年傳

尹文公涉於鞏焚東警不克 施府志左傳既別為

東警明東警與警不一地杜注乃指為一誤矣路史

謂警有一一西警在洛東警在鞏雖較勝杜氏而所目

之地與傳文亦不合傳謂涉鞏焚東警則鞏警不遇

相備一水耳晉書劉曜於洛陽至城隍卷甲即

枚說道兼行出於鞏警之間曰鞏警之間知鞏警不

相遠也今鞏警城在故鞏城西與故鞏城相去尙數

十里是鞏之警城已為西警而故鞏城之東必更別

有東警其地雖不可確指固知二警俱在鞏不得謂

一在洛一在鞏也

周襄宏邑

山河兩界考注定元年孟懿子會城成周

晉女叔寬曰襄宏違天杜注天既厭周德襄宏欲遷

都以延其祚故曰違天哀三年六月癸卯周人殺襄

宏杜注終違天之禍案子貢詩傳襄宏忠於王晉趙

鞏殺之周人傷之賦有兔左傳及杜注皆以為城周

遠天之若謬矣路史姬姓有萇伯漢書藝文志有萇
十五篇魏收地形志范陽萇鄉縣有萇鄉城大康
地記涿郡有萇鄉古萇長通用今鞏縣西南有長羅
川源出方山〔施府志徐注謂萇長通用鞏之長羅
即萇宏之采邑也夫羅既為鄴羅之邑矣何得又為
萇宏之邑乎豈鄴羅父子黨子朝子朝奔而邑遂廢
歟抑萇宏之邑近羅水而遂名為長羅歟徐氏之說
當必有所自出毋庸輕議也〕

東周君城

〔施府志東周故城在今康店縣志謂在今
孝義村尚隔一水矣城半在邱山上半在邱山下遺
址尚存有鞏王廟鞏未嘗稱王而曰王者豈赧王歟
地後東周君保遺民民尊鞏為王歟〕

漢鞏縣故城

〔水經洛水又東北過鞏縣東〕〔酈注洛水
又東逕鞏縣故城南東周所居也〕〔施府志桑欽西
漢人而曰過縣東則作經時縣猶在洛水西故鞏城
也道元後魏人而已目為故鞏城則後魏以前縣治
已移洛水南今縣治也方輿紀要謂隋大業初移縣
治洛口蓋隋自今縣治而移非自故城移也〕

漢小平城

〔名勝志〕郡國志云小平城漢縣廢址在今
鞏縣西北有河津曰小平津即城之隅也黃河西自

偃師縣界流入於此有五社渡又為五社津後漢朱
 鮪遣賈強從五社津渡是矣〔施府志〕小平城在平
 陰東北平陰在孟津縣故方輿紀要以小平城屬孟
 津不知小平平陰本非一地平陰故城在今孟津鞏
 接孟壤故小平城遂入鞏縣其地在今鞏西北裴峪
 渡裴平音轉故也

漢袁公固

〔水經注〕羅水西北逕袁公塢北蓋公路始

固有此也〔施府志〕水經注曰始固者對偃師袁術
 固而言也固即城也

隋洛口倉城

〔方輿紀要〕隋大業二年於鞏東南原上

築倉周回二十餘里穿三千甬道容八千石

洛倉十二年以盜賊充斥命移兵守洛口倉城

〔統志〕洛口倉在河南府鞏縣西

〔方輿紀要〕隋大業

初移鞏縣泊於洛口

李密洛口城

〔方輿紀要〕李密說翟讓曰洛口倉多積

粟去都百里有餘先無預備取之如拾芥耳遂襲克

與洛倉密稱魏公命護軍田茂廣築洛口城方四十

里而居之

李密偃月城

〔方輿紀要〕李密臨洛築偃月城與倉城

相應既而與王世充戰於洛北敗走洛南餘眾東走

月城唐武德三年世民伐王世充分遣王君廓自洛
口斷其餉道今縣東有洛口驛 施府志偃月城在
鞏而洛陽志以為在洛者以偃月與倉城相近也亦
知所謂倉城者鞏之與洛倉城非洛之回洛倉城也
且回洛倉城亦在孟津不在洛陽

北齊王藥城 方輿紀要鞏東北浪河高齊時城守處
周建德四年宇文憲等入齊境降拔三十餘城而還
皆棄不守惟以王藥城為要害遣將韓正守之正以
城降齊

宋永安城 方輿紀要鞏縣西南四十里宋太祖父昭
皇帝葬於此曰永安陵景德中割鞏之二縣置邑以
奉陵寢後為永安軍自太祖至哲宗八陵皆葬於城
西南諸原上

宋南城 方輿紀要宋有永安軍又有南城軍亦在鞏
縣西南紹興二年岳飛遣諸將收復河南楊遇復南
城軍張憲復永安軍是也 施府志南城在今鞏西
南七十里

金芝田 施府志

府志

宮殿 遺址

夏與宮一曰西宮... 位居御郭築頂宮徐箋括
地宮... 形訓頂宮璇室高
... 玉飾宮 施府志一
... 之築頂宮據高誘注
... 而後
世如... 不能續厥舊服矣自古亡國不一端峻宇
雕墻其一也可不戒哉

隋洛口龍舟殿 大業雜記車駕幸江都自漕渠口下
乘小朱航行次洛口御龍舟皇后御初端舟其龍舟
... 舟

殿內殿東西朝堂周以軒廊中二重有一百六十
皆飾以丹粉粧以金碧珠翠雕刻奇麗綴以流蕪
葆朱絲網絡下一重長秋內侍及乘舟水手以素
六條繩六條兩岸引進其引船人並名殿脚一千
十人俱着雜錦絲粧襖子行纏鞋襪等分爲三番
后御次水殿名翔螭其殿脚有九百人又有小水
九名浮景舟並三重朱絲網絡已下殿脚爲兩番
一百人諸嬪妃乘大朱航三十六名漾絲船並兩
加網絡殿脚百人又有朱鳥船蒼龍船白虎船元
船各二十四其駕船人名船脚又有飛羽船六十

見刑十凌波舸十宮人習水者乘之又有五樓船二
樓船二樓船板榻黃茂舫並給黃衣夫又有平乘五
百艘青龍五百艘蒙艦五百艘八檣舸二百艘并
刑二百艘並十二衛兵所乘載兵器帳幘兵士自乘
不給夫發洛口部 施府志鞏邑當陪唐時幸無
殿土木之費然洛口龍舟其為煩費不支龍舟必在
洛口者以數千百舳舻洛水不能容故皆置舟於
水入河之處其上諸殿無可附附之於洛口可也
古夏臺 綱目前編帝履癸四十四年夏王桀囚
湯於夏臺既而釋之

李密黃治臺 李通志在鞏縣東南即李密與李淵相
拒處其址尙存

晉慎終之室 晉書稽含自號毫邱子門曰歸厚之門
室曰慎終之室

按稽紹傳含字若道家在鞏縣毫邱自號毫邱子
又按臺在偃師鞏縣有毫邱向也權
縣志引漢書河南志云鞏有景毫李通志鞏縣西
連古毫今鞏西南六莊在毫正南為殷人圓立奈
天處故曰毫邱又名六莊者
為湯禱雨以六事自責也

黃亭 水經注訾城比三里有黃亭

周洛汭館 春秋昭元年傳天王使劉定公勞趙孟於
穎館於洛汭劉子曰美哉禹功明德遠矣微禹吾其

魚乎

後魏蒲池

〔水經注〕羅水西北流蒲池水注之水出南

蒲陂西北流合羅水

宅里 解村聚務附

漢三和故里 續齊諧記田真兄弟三人共議分財生

費皆平均惟堂前一株荆樹共議欲破三片明日就

斃之其樹即枯死狀如燃火真往見之大驚謂諸弟

曰樹木同株開將分砍所以顛顛是人不如木也則

惡不自勝不復解樹一樹應聲榮茂兄弟相感合財寶

遂為孝門 施府志 臨縣西南二十里孝義保塚縣志

以田氏紫荆得名考續齊諧記田真京兆人不言籍

人杜縣志以田真為隋人而續齊諧乃梁吳均撰又

陸機詩三荆歡同林在晉時已用田氏事則鞏志以

為隋人者誤也至其故里或在京兆或在鞏不防兩

存之耳

按麻志引陸機詩指田真非隋人是已且日為漢人蓋見列於漢宣帝是蓋車之下魏明帝游洛水之前故耳考續齊諧所記本無時代次第觀楚屈原列在晉武帝以後可知通志書晉三田家陸機晉人更不宜以本朝事為典實大約晉以前人係之於漢亦屬可信俟海博者再核實焉

晉穉舍宅

晉書穉舍家鞏縣嘉邱

五詳室下

南杜甫故里

舊唐書杜甫字子美本襄陽人後徙河

南鞏縣 杜詩逸事甫十餘歲夢人令采文石於康
水覺而問人此水在二十里外乃往求之見裝冠童
子告曰汝本文星典吏天使汝下謫為唐世文章
諸已降可於豆籩下取甫從其言果得一石有金字
文云詩人本在陳芳國九夜捫之麟篆篆聲振扶桑
享天福 施府志鞏縣東二里瑞灣工部故里也故
鞏城有康水去瑞灣二十里與逸事合

蔡齊宅 李通志齊字子思鞏縣人 施府志鞏西
南永安故縣東有蔡庄鞏志以為蔡齊故里其宅北
直桓宗定陵今為蔡庄廟廟前石坊鐫蔡文忠公故

居考東都事畧及宋史併云齊膠水人不言在鞏且
洛陽志亦載之據史其先洛陽人曾祖綽為膠水令
遂家焉齊固非洛人史又稱齊少孤依外家劉氏豈
外家在鞏而齊遠來相依歟然不可考矣

金盧亞宅 通志盧亞金正大中狀元 施府志鞏永
安廢縣中有狀元坊為盧亞立也亞生時永安產靈
芝金遂改永安為芝田亞宅在今芝田鎮北街據狀
元譜無亞名蓋譜惟列宋元正統亞為金狀元故不
見於譜而見於通志但通志不以亞為鞏人而以為
僂師人何也蓋亞嘗讀書緱山緱山舊隸永安今入

偃師通志乃據偃志登入非其實也至鞏志載亞為
元至正狀元且引順帝時產靈芝為言改芝用在今
時元時金芝田已廢於元季產靈芝無涉縣志又載
吳臨川送盧廉使還朝序以為即盧亞不知盧廉使
自別一人官翰林非狀元也

鄉聚

宋訾鄉 馬端臨文獻通考宋宣祖安陵舊在京城東
南隅太祖乾元年攻下陵寢得地於河南府鞏縣南
訾鄉鄭封村

按此鄉即城

漢文鄉聚 後漢郡國志鞏有坎培聚注杜預口在縣
東地道記曰在南 互見邑城

宋任村

宋任村 方輿紀要元豐初都水丞范子淵議引洛屬
汴道內侍宋用臣等相視輿役自任村沙口至河陰

瓦亭子達汴口接運河長五十一里 王安石臨川

集任村馬舖詩注任村在鞏縣東

宋柴務 文獻通考物異考咸平二年九月河南府

縣柴務牡丹華

按鞏邑村落多有以務名者西有石灰務南有鐵
坑務西南柴務今為硝柴務意皆宋時名目註明
道提舉西京竹
木務此其一也

書院

元嵩洛書院 舊志在神堤保元左司郎中張惟敏奉

旨修建

元河洛書院 舊志在洛口元譙國公曹鐸建

溝渠 陂池並載

漢飲馬溝 方輿紀要飲馬溝在鞏縣東七里号布帛

虎牙飲馬於此

後魏南蒲陂蒲池 水經注蒲池水出南蒲陂 施府

志今為凌溝菩提寺前水

宋神隄引洛入汴渠 方輿紀要元豐初張從惠言汴

洛水歲閉塞修隄防勞費往有建議導洛入汴患黃

河嘴廣武山須鑿山嶺十數丈以通汴渠功大不可

為去年七月水退河稍北距廣武山麓七里退灘喜

澗宜鑿渠導洛為萬世利都水丞范子淵請於汜水

鎮北門導洛為請汴通漕既又言河陰十里店以西

至洛口地形西高東下可行水請起自鞏縣神尾山

不遠恐漲漫不灌京師既而洛水大溢注於河帝曰
若廣武埽壞河洛爲一則清沐不通京師漕運可憂
詔吳安持等規度安持言廣武第一埽危急決口於
清沐口絕近綠河洛之南廣武山千餘步地形稍高
自鞏縣東北里店至今洛口不滿十里可別開新河
導洛水近南行詔再案視卒以元豐舊制但元豐每
事更張舊制未必盡善也

宋沙口

接沙口今俗呼沙峪溝與任村洛口相
連載方輿紀要吧見前引洛入沐渠下

明神堤渠 方輿紀要神堤在鞏縣北二里中低而四

永樂十二年縣丞華胥開此渠而
神堤在今縣北神尾山之下

洛倉 隋書地理志鞏縣有興洛倉 虞世基傳

帝幸江都以鞏縣世基以盜賊日盛請發兵屯洛口
倉以備不虞帝不從但答云卿是書生定猶懼怯

李密傳密與讓領精兵七千人以大業十三年春出
陽城北踰方山自羅口襲興洛倉破之開倉恣民所
取老弱襁負道路不絕越王侗武賁郎將劉長恭率
步騎二萬五千討密密一戰破之長恭僅以身免讓

於是雒密爲主密城洛口周迴四十里以居之
海大業二年置洛口倉於鞏城周二十里穿三千窖
〔施府志〕興洛倉卽洛口倉也隋置倉於鞏者以鞏
東南原土地高燥可穿窖久藏且下通河洛漕運也
洛口倉 〔唐書地理志〕鞏縣有洛口倉 〔六典注〕隋
初漕關東之粟以實京邑有洛口倉唐因之 〔唐書
食貨志〕宣州刺史裴耀卿條上便宜曰今漢隋漕路
黃河倉庫遺跡可尋可於河口置武牢倉鞏縣置洛
口倉使江河之舟不入黃河黃河之舟不入洛口而
行水淺則寓於倉舟無停留而物不耗失此甚利也

關塞

古轅轅關 春秋襄二十一年傳晉欒盈奔楚過周王

使侯出諸轅轅 〔文選〕薛綜注轅轅坂十二曲將去

復還故名 〔方輿紀要〕戰國策張儀曰秦下兵三川

塞轅轅緱氏之口 〔史記〕沛公伐秦南出轅轅克之武

帝淮南王安謀反欲塞轅轅伊闕之道 建武九年帝

幸緱氏登轅轅靈帝時爲河南八關之一 建安初曹

操奉獻帝遷許從轅轅而東 晉懷帝永嘉二年羣盜

王彌自許昌入轅轅敗官軍於伊北遂逼洛陽屯於

津陽門三年劉淵使王彌等復寇洛陽不克乃出轅
 轅掠豫充而東四年劉聰使其子粲等犯洛陽粲出
 轅轅掠梁陳汝潁間五年劉曜石勒等陷洛陽勒引
 兵出轅轅屯許昌後魏永安三年元顥入洛既而敗
 於河橋輕騎南走自轅轅南出至臨潁為人所殺唐
 武德二年討王世充王君廓攻轅轅克之王世充遣
 將魏隱求救為君廓所敗遂東徇地至管城而還四
 年王君廓與王世充將軍雄信等相持於洛口世民
 援之至轅轅雄信等遁去乾符元年王巢侵逼東都
 詔發兵守轅轅伊闕河陰武牢孔穎達曰轅轅山

志云轅轅山在河南

轅轅山在河南

地理志魏氏有轅轅兩縣氏以今復師是轅轅宜隸

魏師也又晉地理志陽城有臺坂關即轅轅陽城入

今登封是轅轅又楚登封也惟明史以轅轅關隸鞏

今關雖廢而疆域則一因明之舊志固隸鞏而於偃

師登封二縣相接

漢水平津關 方輿記要靈帝時八關之一袁紹誅宦

官中常侍張讓等用帝步出穀門至小平津晉永嘉

末傳祇保盟津小水即小平津劉聰遣劉粲以步騎

十萬屯小平津慕容暉遣將呂護攻洛陽退守小平津後魏常講武於小平津爾朱榮舉兵胡太后遣賈穆屯小平津拒之施府志紀要以小平津入孟津今據名勝志入一詳都邑小平城

後魏石關一在一京東石關有魏元領軍寺一疏一志鞏城西洛山北有地名石關即伽藍記所謂京東石關也

黑石關一方輿記要隋末王世充與李密相持世充夜渡洛水營於黑石明日分兵守營自將精兵陳於洛北李密渡洛逆戰而敗復渡洛趨黑石世充還為密

所敗元致和初以西諸王濶不花等討燕帖木兒之亂進至鞏縣黑石渡大敗河南兵遂克虎牢關上都已陷而還明地理志鞏縣西南有黑石渡巡檢司施府志黑石山名在鞏縣西南洛水東與却嶺

夾岸相對如門汜水出其中為東西京咽喉舟車轉輸冠蓋往來皆出於此明設巡檢司曰黑石關亦曰

黑石渡洛陽東有一成臯鞏洛之險今成臯入汜水而鞏洛之險無過黑石固留心險要者所宜加之意耳元大栗關一方輿記要大栗樹關在鞏東南三十里元

時置寨

漢劉脩寨 李通志備寨在鞏縣西南原良保昔劉開

張伐呂布屯兵於此

元季山寨諸屯 施府志方輿紀要天堂山寨在鞏縣

東南又有鹿耳鷄翎 後霄黑山等寨俱元季鄉豪屯

寨處 舊志鹿耳寨在趙封保石峰峻絕千仞壁立

已有水止一小徑 可通鷄翎寨在羅口保元人郝

有

水經注水又北流注

在川南因高為塢高一十餘丈劉武王西入長

所堡也 方輿紀要義熙十二年劉裕伐秦軍王

臯秦姚洸鎮洛陽遣趙元守屯守栢谷塢毛德祖

敗之元熙初司馬楚之避劉裕逃亡河南南屯栢谷

元魏武定初高季密以虎牢降魏宇文泰帥軍進

至洛陽遣宇文謹攻栢谷拔之隋大業十四年李密

東都栢谷降密又宋書武帝西征營於栢谷塢西

三壘相連如鎖名鈎鎖壘云 施府志水經注記百

谷塢在休水東且舟師所堡必近洛水南今鞏縣以

休水為界休水出澗谷將入洛東三里有百峪土高

數丈北望洛水即古屯兵之處其地西連乾溝東西
寨如鈞鎖然即鈞鎖壘也名勝志及方輿紀要皆目
二地為偃師蓋因休水入偃而誣耳偃志不知百谷
即鞏之百峪而以緱氏之栢圪塹當之其地重嶺絕
澗與洛水中隔景山知非舟師所堡矣

晉洛口屯 方輿紀要晉大興初滎陽太守李矩使郭

誦救趙固於洛陽屯洛濟誦遣其將耿稚夜濟河襲

劉粲大敗之大寧三年後趙石虎敗劉曜將劉岳於

洛西蓋在洛口西也後魏永熙末高歡自晉陽引軍

渡河衆議欲守洛口死戰魏主不能從隋末李密據

洛口越王侗使諸軍擊密夾洛水相守既而王世充

與密相持於洛水上為密所敗義寧二年世充擊密

於洛北敗之遂屯鞏北復渡洛擊密軍敗溺者無數

隋橫嶺屯 百花屯 方輿紀要橫嶺縣東三十里接

汜水縣界李密伏兵處百花谷在縣東南三十餘里

裴仁基屯兵處 互詳橫嶺道下

道路 驛通附

晉鞏訾間道 方輿紀要晉咸和二年石勒擊劉曜於

洛陽至成臯捲甲啣枚說道兼行出於鞏訾之間

施府志所謂鞏訾之間者指故鞏城與東訾也東訾

近故鞏城以鞏訾之間為詭道知由成臯趨洛陽大
道不出鞏訾間也蓋自故鞏城下洛水流兩山間不
容大道由假師北坂抵故鞏城下踰洛由石子河踰
嶺抵今鞏城乃趨成臯石勒所謂詭道乃循洛水豈
直抵洛陽不踰嶺上下故曰詭道兼行

隋羅口道

方輿紀要隋大業十三年李密自羅口

與洛倉破之又密將張善相為伊州刺史據襄城

襄城北出羅口即長羅川口矣

施府志今鞏城

羅口保乃羅水出山之口非羅水入洛之口也

紀要以為入洛之詭誤矣其自襄城北出羅

山登封西北出轅轅乃東北趨鞏其道迂

登封末踰大山北至羅口道甚險今石坂道乃

由登趨鞏之要道也

隋橫嶺道

方輿紀要李密據興洛倉隋遣東都兵討

之又使虎牢鎮將裴仁基自汜水西入以掩其後密

分兵伏橫嶺以待仁基仁基失期不進屯於百花谷

按山汜水趨鞏徑豐子峪洛口此大道也李密倉

城在洛口仁基自汜水西入循橫嶺至百花谷詭

道兼行予密以不及覺所謂掩其後也密預知之

故分兵伏橫嶺以待今橫嶺南有古道自汜至鞏
東西四十五里較大道稍迂遠康熙初黃河傍山
流大道不可行車馬往來皆由橫嶺開辟澗展不
似從前險隘矣
其堡猶有存者

明洛口驛 方輿紀要鞏縣東有洛口驛

津渡

漢五社津 水經河水又東過鞏縣北鄠注河水於此

有五社渡為五社津 方輿紀要建武初遣將軍耿

弇守軍五社津脩滎陽以東而使吳漢等圍洛陽也

漢小平津 郡國志鞏縣西北有河津曰小平津

隋黑石渡 方輿紀要鞏縣西南二十五里洛水

處隋末王世充與李密相持世充夜渡洛水

石元敏和初陝西諸王加海不花守進至鞏縣

言店渡 方輿紀要宋許德四

明神堤渡 李通志神堤渡在鞏縣北

初洛口渡 李通志洛口渡在鞏縣東 施府志鞏

黑石神堤洛口皆洛水濟渡處

明裴峪渡 李通志裴峪渡在鞏縣西 施府志裴峪

渡疑即黃河小平津渡也 詳前都邑門

橋梁

隋鞏北浮橋 綱目正編隋恭帝義寧二年王世充既

得東都兵進擊李密於洛北敗之遂屯鞏北命諸將

各造浮橋渡洛橋成者先進前後不一密帥敢死士

乘之溺死數萬人世充僅免

唐孝義橋 會要天寶七載四月河南丹華濟奏於

師縣東山下開驛路通孝義橋 六典水部凡天下

造舟之梁四河三洛一河則蒲津大陽盟津洛則

義舉京都之衝也 施府志偃師驛路所通者今

鞏縣黑石渡渡東北五里有孝義保以田氏紫荆

橋亦因此名歟

宋奉先橋 玉海景德四年二月西京新造警店渡橋

癸酉賜名奉先 施府志今鞏縣警店渡北岸山上

有會聖宮為宋時謁陵飲福之所陵在洛南高原上

出會聖宮過洛上陵必出此橋故名奉先

明柳橋 李通志柳橋在鞏縣東

壇廟

黃帝河洛壇 水經注黃帝東巡河過洛修壇沈璧受

龍圖於河龜書於洛赤文篆字堯帝又循壇河洛擇

良議沉榮光出河休氣四塞白雲起迴風逝赤文綠

色廣袤九尺負理平上有列星之分七政之度帝王

錄記興亡之數以授之又東沉書於日稷赤光起元

龜負書背甲赤文成字遂禪於舜舜又習素祀沉書

於日稷赤光起元龜負書 當休至於稷下榮光休

黃龍卷甲舒圖壇畔赤文綠瑤以投舜舜以禱禹饗
湯東觀於洛習禮堯壇降璧三沉榮光不起黃魚雙
躍出濟於壇黑鳥以浴隨魚亦上化為黑玉赤勒之
書黑編赤文之題也故春秋說題詞曰河以通乾出
天苞洛以流湯吐地符王者沈禮焉
〔施府志〕水經
注紀河洛壇於洛汭以為歷代圖畫崑出其地在鞏縣
洛水入處則孟津所謂負圖河永寧所謂元滄洛書
不得專有之矣但道元雜引緯書侈言符瑞儒者所
不道然謂圖書並出於黃帝堯舜之世則其說必有
傳也

周襄王廟李璧王荆公詩晏丞相嘗有過鞏縣

則周襄王廟詩人來人去市朝變山後山前烟霧滿

云云

晉九山廟水經注九山有九山廟廟前有碑云九顯

靈府君太華之元子陽九列名號曰九山府君也晉

元康二年九月太歲庚午帝遣殿中中郎將關內侯

樊廣緜氏命王與主簿傅滄奉宣詔令興立廟殿

〔施府志〕九山在水經注又為百稱山今呼白雲山山

際有舊山廟坡九舊音轉也箋云晉元康二年大歲

在壬子而用歷經推之是年九月乙亥朔無庚午日

也或傳寫有誤耳

百盡將軍廟水經注九山又有百盡將軍顯靈碑碑

云將軍姓伊氏諱益字隴散帝高陽之第二子伯益

是也晉元康五年七月七日順人吳義等建立堂廟

永平元年二月二十日刻石立頌示後賢矣施府

志秦本紀云顓頊之裔孫大業生大費佐舜調馴鳥

獸是為栢翳索隱云伯翳即尙書之伯益列女傳皋

子五歲而贊禹曹大家注云皋子者皋陶之子伯益

也此碑謂益字隴散帝高陽之第二子與史記異左

傳所記隴散庭堅並高陽氏之子杜元凱左傳注又

云皋陶字庭堅則父子同在八愷之中不應並時而

舉也見水經注箋

嚴子陵廟李通志嚴子陵廟在鞏縣東施府志鞏

縣無子陵遺蹟通志亦不詳廟建何時又云一在宜

陽縣上莊保

汾陽王廟李通志汾陽王廟在鞏縣西元至治間建

郭子儀帥師過邑芻糴俱乏徵於此邑人告曰草可

得糧不可得公問所以入告曰是邑南崗歲有妖霧

害稼厥明公詣崗指之曰四方之亂余皆掃除妖氣

敢為害耶乃引兵還自是妖氛不復為害五穀成熟

故入立廟祀之。施府志廟在鞏縣西南五十里漫留崗上廟碑所稱與通志同但通志以爲元至治間建廟廟碑乃金元光二年天黨越豚撰則通志誣矣又廟旁有洞曰風洞人以爲能出怪風壞田禾與碑稱出毒霧亦有異史傳不載無從考證而汾陽之德於鞏也則至今不忘云

一云密如廟 李通志在府城東關元至正六年建偃師鞏縣亦有之

鞏縣志卷之十五終

鞏縣志卷之十六

鞏縣知縣李述武纂修

古蹟志下

陵墓

宋宣祖安陵 東都事畧建隆元年三月有司上皇考

武清府君謚曰昭武皇帝廟號宣祖陵曰安陵 宋

史禮志安陵在京城東南隅乾德初改卜河南府鞏

縣西南四十里訾鄉鄧封村以司徒范質爲改卜安

陵使學士竇儼禮儀使中丞劉溫叟儀仗使樞密直

學士薛居正鹵簿使太宗時尹開封爲橋道頓遞使

西北隅當時禮官不主附葬遂准來孝章宋后附葬者附著永昌陵下其孝惠皇后孝明王后別陪葬者獨為另列宋代帝陵之後以古蹟中有一陵則有一地也餘併同

宋太宗永熙陵

東都事畧至道二年三月癸巳帝崩

於萬歲殿十月巳酉葬永熙陵明德皇后李氏附葬

永熙陵元德皇后李氏以真宗生母附葬永熙陵

宋史禮志永熙陵皇堂深百尺方廣八十尺靈臺方

二百五十尺置衛士五百人於陵 文獻通考元德

皇后以三寶道三年十月追尊若 實於普安 禮志

元年議改卜園陵二年命使按行園陵地議立陵名

禮官言周顯德末都省議故事帝后同陵謂之合

葬同茔謂之附葬漢呂氏陵在長陵西百餘步以同

葬兆而無名號又唐穆宗二后王氏生敬宗蕭氏生

文宗並附先陵之側今園陵鵲臺在永熙陵封地之

內恐不須別建陵號從之又永熙陵陪葬子孫八墳

廡府志昌陵在安陵西里餘熙陵在昌陵西里餘

三陵俱在牛山北盤永安縣羅水之南

宋真宗永定陵

東都事畧乾興元年二月戊午帝崩

於延慶殿冬十月巳酉葬永定陵 宋史禮志山陵

按行使蓋繼宗言據司天監定永安縣東北六里曰
卧龍岡堪庇山陵詔雷允恭覆按以聞皇堂之制深
八十一尺方百四十尺制陵名曰永定章獻明肅皇
后劉氏明道二年三月崩於寶慈殿司天監詳定山
陵制度皇堂深五十七尺神墻高七尺五寸四面各
長六十五步乳臺高一丈九尺至南神門四十五步
鵠臺高二丈三尺至乳臺四十五步十月五日葬永
定陵之西北隅章惠皇后楊氏明道三年十二月崩
四年二月葬永定陵之西北隅 宋后妃傳李宸妃
生仁宗章獻以爲己子仁宗不自知爲妃所出也明

道元年薨章獻太后欲以宮人禮治喪丞相呂夷簡
奏太后倘念劉氏則喪禮宜從厚太后悟夷簡請用
一品禮殯洪福院吏簡又謂都知羅崇勳曰宸妃當
以后服殮用水銀實棺異時勿謂夷簡未嘗道及崇
勳如其言後章獻太后崩燕王爲仁宗言陛下乃李
宸妃所生死於非命仁宗號慟尊妃爲皇太后謚曰
莊懿幸洪福寺祭告易梓宮親往視之妃玉色如生
冠服如皇太后以水銀養之故不壞仁宗嘆曰人言
其可信哉遇劉氏益厚陪葬永定陵慶曆中改謚章
懿 丁謂傳謂爲山陵使雷允恭爲都監與判司天

邢中和擅易皇堂地來議唯謂庶允恭依違不決
詔王曾馮拯曹利用等覆視成云應用舊地遂誅允
恭貶謂崖州司尹等其家。又歐陽文忠公考始丁謂請陵
名曰鎮陵及謂也馮拯謂三陵皆有永字故易曰永
定陵然永安乃縣名也宜曰陵止曰安陵又不知其
祖已名定陵於是復追與祖為靖陵議者譏拯不學
當時無正之者。施府志營定陵時徐仁旺奏用牛
頭山前丁謂定用山後爭之不可旺表曰山後之害
坤水長流災在丙午年丙丁風直射禍當丁未年終
其言卒驗今真宗陵在酉青龍山西北與牛山陵中
隔羅水而徐丁所爭牛頭山前後者乃青龍西北別
起一小山狀類牛頭而得名非太祖陵南之牛山也
當時亦曰卧龍岡據史丁謂置皇堂土石相半繼之
以水王曾奏丁謂包藏禍心置皇堂於絕地太后怒
丁謂貶死當時已不用丁謂所定皇堂矣然今真宗
陵南高北下退就卑濕猶是丁謂山後之議也意丁
謂所用更在北以王曾奏乃稍移就南耳至通考譏
馮拯易名定陵與翼祖陵本名同良非但謂永安為
縣名宣祖陵止名安陵無永安之稱殊不知永安名
縣乃因陵而名宋代諸陵皆有永字其稱之也或曰

永某陵或但曰某陵非宣祖陵無永安之稱也又有
宗三后潘后葬永昌陵側郭后葬永熙陵西北故惟
劉后祔葬定陵又楊后仁宗尊為皇太后亦祔葬定
陵李宸妃常從守定陵乃殯洪福院太后崩仁宗知
為宸妃所生尊為皇太后陪葬定陵西俗呼呂道姑
陵者恐是呂本聲譌即李宸妃陪葬處也

宋仁宗永昭陵

有山壽墓嘉祐八年辛未帝崩於福

寧殿冬十月甲午葬永昭陵

韓忠獻遺事仁宗永

昭陵葬且有日忽傳皇堂棟損時諸使皆欲不聞而
掩之韓公琦正色曰不可果損當易之若道葬期後

所費此責猶可當若苟且掩之後有壞而致人主疑
心臣下何以當責宋史禮志慈聖光獻皇后曹氏

元豐二年十月崩於慶壽宮命韓縝為山陵按行使
縝言永昭陵北稍西地貳百六十步內方六十五步
可為山陵上以迫隘詔增十步三月十日葬永昭陵

施府志

范純禮知永安縣永昭陵在其境內初建

時配木石磚甃及工徒於一路獨永安不受令請於
山陵使韓琦曰歲時繕治無虛日願勿與諸縣均賦
琦是其言而名勝志則以為修曹后陵范公與曾魯
公力爭與史不同蓋據過庭錄所傳也且又以永安

為今永寧宋陵多在焉大謬

宋英宗永厚陵

〔東都事畧〕治平四年春正月帝崩於

福寧殿八月癸酉葬永厚陵

〔文獻通考〕英宗崩遺

詔山陵務從省約所歷郡縣無科率煩民八月葬厚

陵禮如舊制

〔演繁露〕溫公日記記英廟山陵舊制

曰山陵皇堂壘石為壁積材木於上以卷石覆之神

宗以材木有時而朽則卷石必墜於梓宮不便更合

就地為石槨以藏梓宮總管張若水恐穿地或墮陷

四壁乃請於平地壘石為槨及後山陵復土梓宮入

降隧道升石槨西首御夷牀不及地一尺而止俟已

刻乃下仍於其上布方木以蓋條石乃設御

於槨中闔石門出築合隧道按此則是神宗慮木久

遠必朽朽心壓故專令卷石為槨起自地上石既四

射捲起交相鈎闔永不壓壞最為堅耐神宗雖有此

旨若水董役不敢廢弛舊制故卷石之上仍鋪葢木

設使葢木朽壞而其下自有卷石承之殆無害也

宋史禮志英宗宣仁聖烈皇帝高氏哲宗元祐八年

九月三日崩於崇慶宮詔園山以依慈聖光獻太皇太

后之制紹聖元年四月一日葬永厚陵〔施府志〕仁

宗英宗二陵俱在青龍山北平義保英宗陵東去仁

宗陵一里許

宋神宗永裕陵 東都事畧 豐八年三月戊戌帝崩

於福寧殿冬十月乙酉葬永裕陵 宋史禮志 紹聖

四年太史請遷去永裕陵 山民冢一千三百餘以

便國音帝曰遷墓得無擾也若無所害則令無遷果

不便國音當給官錢以資葬費神宗欽聖憲肅皇后

向氏建中靖國元年正月丁二日崩太常寺言大行

皇太后山陵一行法物宜 區元豐二年慈聖光獻皇

后故事皇堂之制下深六尺九尺而方一丈五尺

穴深一丈明高一丈一尺鵠基二各高四十二

乳臺二各高二丈七尺神 瑞高一丈三尺五月六日

葬永裕陵 后妃傳 欽成 永皇后生哲宗崇寧元年

二月薨追册為皇后陪葬永裕陵 欽慈陳皇后生徽

宗帝崩守陵殿未幾薨建中靖國元年追册為皇太

后陪葬永裕陵

宋哲宗永泰陵 東都事畧 元符三年正月己卯帝崩

於福寧殿七月壬寅葬永泰陵 昭懷皇后劉氏政和

元年崩陪葬永泰陵 宋史禮志 哲宗崩徽宗即位

詔山陵制度並如元豐 臨海志 神宗哲宗二陵俱

在九山東北麓二陵相去一里許 又按中興記建

炎元年五月一日大赦天下詔永安軍祖宗陵寢西
京應天禪院會聖宮影殿西墳可差西京留守及臺
官一員日下前去躬親省視如合修奉去處一面措
置仍密具奏聞南墳委汝州守臣依此演繁處宗子
白祠葬山陵之外又有南墳一墳

宋欽宗陵

朝野雜記欽宗之卒

與哀於天章閣南以

學士院爲几筵殿上陵名曰永欽暨乾道中朝廷遣
使求陵寢地金人許以遷奉且併歸靖康梓宮朝廷
難之金人乃以禮陪葬於鞏縣云云文獻通考金人
葬欽宗於鞏原而制喪謀報乃謂金以十萬騎

送陵寢以來中外洶洶遷葬咸請增以後卒

綱目續編乾道七年金葬欽宗於鞏洛之原

施府志按鞏縣志辨鞏縣有欽宗陵無徽宗陵因非

無據但欽宗爲金人所葬鞏欽宗陵今亦無可考傳

聞是否猶不可知較耕錄載紹興紹興諸陵之時

言徽欽葬五國城數遣使祈請於今凡六七年而後

許至是被發掘徽欽二陵皆空無一物徽陵有朽木

一段欽陵有木燈檠一枚而已蓋當時亦料其真僞

不可知不欲逆詐亦以慰一時之人心耳而二帝遺

骸浮沉沙漠初未嘗返也又孫賜曰徽欽二帝陵在

高麗地方二陵大如山高麗人皆知為二帝陵也蓋
 金時幅員甚廣高麗北境皆其地彼嘗葬二帝於此
 以空棺歸中國耳據是則會稽之墓歟陵與等縣之
 歙陵皆非其寔矣

按舊志昌陵熙陵定陵皆陵外陵墓多有埋沒崇
 隆八年洛陽縣知縣龔巖松林署縣事勘得士民
 懇地二頃詳奉撫中丞顧愷飭清還陵場知縣
 軒昂蒞任後竭力清釐詳奉器糧仍其立陵界
 之官斯土者務留意焉

宋太祖賀后陵 東都事畧太祖孝慈皇后葬於

德五年崩葬安陵之西北 宋史禮志改卜安陵於鞏並葬孝

惠於安陵之西北

宋人祖王后陵 宋史禮志改卜安陵於鞏並葬孝

王后於安陵之北 宋史禮志改卜安陵於鞏並葬孝

宋太宗尹后陵 東都事畧太宗淑德皇后尹氏崩

葬於孝明陵之西北 東都事畧太宗懿德皇后符氏葬於

安陵之西北 東都事畧太宗懿德皇后符氏葬於

宋真宗潘后陵 宋史后妃傳真宗章懷潘皇后端拱

二年五月薨葬於永昌陵側陵名保泰

宋真宗郭后陵 宋史后妃傳真宗章穆郭皇后景德

二年五月薨葬於永昌陵側陵名保泰

宋真宗郭后陵 宋史后妃傳真宗章穆郭皇后景德

四年崩葬於永熙陵之西北

宋徽宗王后陵 東都事畧顯恭皇后王氏徽宗即

册為皇后生欽宗崩葬永裕陵之次 施府志按東

都事畧徽宗王后初謚靖和改謚惠恭又改顯恭

宗明達皇后劉氏陪葬惠恭皇后同明節皇后劉氏

與明達並園立祠如是則徽宗二后俱祔神宗陵矣

以上陵

漢轅生墓 隸釋漢有兩轅良一為轅生後生隱嵩洛

山中及良貴顯修先人墓

按舊志有原良墓不詳何代人原良於華山取以名里矣恐原轅聲近而訛即隸釋所謂轅良者也

嵩洛山者乃轅生取其後人來修父墓者後人遂以脩墓故名其墓也

漢李彭墓 後漢書本傳彭征蜀所營地名彭亡聞

惡之欲徙會日暮蜀刺客詐為亡奴降夜刺殺彭彭

百戰荆門長驅武陽持軍整齊秋毫無犯邛穀王狂

此信聞彭威信數千里迎降會彭已薨帝盡以任所

獻賜彭妻子謚曰莊侯 施府志按舊志葬有彭彭

墓彭墓在焉存之以俟博考

漢三田冢 李通志冢在鞏縣西有三冢相傳葬田

田廣田慶

晉潘蕤墓 水經注羅水又西北逕潘岳子父墓前有

碑岳父苾瑯琊太守

水經注岳碑題云給事黃門侍郎潘君之

碑碑云君遇孫秀之難闔門受禍故門生感覆醢以

增勳乃樹碑以記事太常潘尼之詞也

按舊志載鞏有黃霸墓在芝田羅水畔考霸陽夏人卒葬考城見輿地記舊志或因潘墓而誤耳

北齊小平津古冢 三齊典略齊王澄以舟師還次小

平津津岸古冢崩有銘合更葬之 銘見金石錄

唐杜甫墓 溫公詩話杜甫終於耒陽莫葬之至元

其孫始改葬於鞏 施府志偃志據元微之撰墓誌

以工部墓為在首陽山前當陽侯之墓次而鞏縣

家姑邱山上有工部墓志以為始葬偃而復遷鞏令

考微之作墓志時乃途次荆楚據譜謂當葬當陽侯

墓次其實歸葬於鞏不葬於偃也 又彙旁有二冢一宗武墓

宋遂國公墓 李通志墓在鞏縣西南 舊志在羅口保 太宗孫

謚昭裕 金石考皇從姪衛州防禦使遂國公墓銘

嘉祐五年歐陽修撰

宋高密侯墓 李通志墓在鞏縣西南 舊志在羅口保 太宗曾

孫 金石考高密侯葬河南永安縣修為撰銘 施

府志接金石考據歐陽集載皇從姪筠州團練使安

陸侯康州刺史高密侯右監門衛將軍廣平侯皇從

孫監門衛將軍右屯衛大將軍武當侯右監門衛將軍夫人周氏右監門衛將軍夫人金堂縣君錢氏武昌縣君郭氏東陽縣君鄭氏俱葬河南永安縣修各爲撰銘今其墓俱不可確指錄之以備參稽

宋吳王顥墓 東都事畧英宗次子吳王顥薨年四十七哲宗哭之慟成服苑中贈尚書令兼中書令謚曰榮顯薨之五日以月朔應視朝於文德殿哲宗以顥未成服改視垂拱云顥通經史工飛白書善鼓琴神宗臨御久友愛彌篤哲宗尊禮尤隆既薨葬於永厚之北徽宗即位追封吳王

宋華陰侯仲連墓 司馬光撰墓誌葬永安縣

宋右屯衛大將軍令邦墓 司馬光撰墓誌葬永安縣

宋皇從姪右屯衛大將軍士虬墓 司馬光撰墓誌葬永安縣

永安縣

宋趙普墓 東都事畧太宗謂近臣趙普國初元勛先

帝與朕最爲舊故能斷大事盡忠國家真社稷之臣聞其歿謝淒愴之懷不能自己因出涕左右皆感慟贈尚書令封真定郡王謚曰忠獻太宗撰神道碑親書八分書以賜之遣右諫議大夫范杲扞鴻臚寺卿護喪事葬日設鹵簿鼓吹如式 季通志墓在鞏縣

西 舊志在西孝義保

宋高懷德墓 東都事畧懷德尙宣祖女燕國長公主

加駙馬都尉卒年五十七贈中書令渤海郡王謚曰

武穆 李通志墓在鞏縣西南懷德歸德軍節度使

舊志墓在蔡家庄

宋寇準墓 東都事畧準貶雷州司戶參軍太宗嘗得

通天犀命工爲一帶一以賜準及是準遣人取自洛

中至數日具朝服被帶北面再拜呼左右趣設卧具

就榻而卒年六十三詔許歸葬西京 李通志墓在

鞏縣西準沒於雷州詔許歸葬西京即此題其額曰

旌忠 施府志萊公墓在鞏西南寇家灣蓋陪真宗

陵也

宋包拯墓 東都事畧拯拜禮部侍郎樞密副使終於

位年六十四贈禮部尙書謚曰孝肅 施府志鞏西

南后泉溝有孝肅墓亦陪葬真宗陵也

按舊志載有狄青墓 彬二墓俱無可考

元張思墓 李通志墓在鞏西南坊郭保息安撫使

金石考鞏縣有元清河郡侯張公神道碑至元六年

歐陽元撰

元曹鐸墓 墓碑鐸山東道宣慰司副使轉雁門關三

邊總督至元十四年詔贈譙國公

按墓碑載錄有勳賊功其卒也勳葬於永安東墓旁石碣今多有存者舊志墓在魯村

元薄元亨墓一墓碑亭以布衣授監鐵官至順十二年

授隆慶知州舊志墓在趙封保

按舊志載有元安撫使郎君墓在羅口保知州薄墓在趙封保無墓碑可考附錄於此

近代冢墓附

明

薄仲深墓在趙封保仲深知州

魏敏墓在坊郭保敏通政使祀鄉賢

賈祥墓在坊郭保祥御史祀鄉賢

劉思顏墓在黃洽

劉登泰墓在黃洽村

趙成墓在白雲山蛾眉嶺成明威將軍

馬隆墓在神堤保隆提學副使

趙迎墓在稍柴務北迎兵備僉事

張可久墓在坊郭保可久永年知縣祀鄉賢

趙景星墓在蔡家庄景星獻縣知縣祀鄉賢

張宏墓墓在神堤保宏基河陰教諭祀鄉賢名宦

姚若時墓在魯庄若時鳳陽通判

霍景霽墓在芝田景霽鴻臚寺丞

曹武墓在朱家河東原 武大舍副使

國朝

范芝墓在涉村 芝莊浪道

范薰墓在涉村 薰遵化知縣

張乾二墓在橫嶺 乾二通渭知縣

曹大先墓在白廟東原 大先新鄭訓導贈文林郎

孫祚隆墓在羅莊南 祚隆贈修職郎

謝統運墓在邛原楊家嶺 統運贈文林郎

康極墓在石窟寺西南 極贈修職郎

謝杰墓在邛原楊家嶺 杰深澤知縣

張昱斗墓在青龍山北 昱斗贈修職郎

康中掄墓在石窟寺南 中掄鄆陵教諭

孫汝工墓在羅莊南原上 汝工授修職郎

張登墓在縣南五里堡 登贈文林郎

曹鵬翊墓在白廟東原 鵬翊和平知縣

以上墓

寺觀

漢慈雲寺 寺碑漢明帝時西僧摩騰竺法蘭創建

施府志在青龍山內羣峰羅列石壁如削前人刻環寺五十二峰於石佛堂後為二老談經峰取形似也

自青龍山口八行數十里方抵寺幽僻窳劣人跡罕到

後魏元領軍寺 伽藍記京東石關有元領軍寺 施

府志今鞏縣西洛水北有地名石關即伽藍記所謂

京東石關也

隋栢谷塢寺 名勝志栢谷塢在緜氏東北塢西有寺

八谷數百步有佛像精巧美麗有牛春馬簸水碓之

利 施府志栢谷塢即今鞏縣西南之百峪也其地

正在古緜氏東北名勝志所謂塢西有寺者今百峪

西朱水水澗中有白雲寺者是土人在寺傍掘土得

一石方碑開皇年號則寺建於隋矣

隋開皇中有詔栢谷屯地一百頃賜少林

寺地屬少林又於栢谷建寺寺周少林寺僧所

建也裴灌碑又云少林寺西北五十里有栢谷聖

峯合谷深谷逶迤復登緣雲俯窺龍界高頂拂日傍

臨鳥道居晉成塢在齊為郡王世充僭號署曰轄州

乘其地險以立烽戍太宗軍次廣武僧志操惠師抗

表以明大順執充姪仁則以歸本朝太宗嘉其義烈

頻降璽書宣慰賜地四十頃水碾一具即栢谷莊是

也名勝志所記牛春水碓與裴灌碑畧同但以栢谷

塢爲在偃師則因偃師志而誤也偃師志以栢塢爲
在今緜氏東去少林太近不知所謂緜氏東北者古
緜氏也於今爲滑城鞏縣百谷正在滑城東北去少
林五十里與裴淮碑亦合

隋石窟寺

方輿紀要寺在鞏縣西洛水北王世充與
李密相持世充渡洛水過倉城爲營與密戰於石窟
寺東金石考鞏縣石窟寺即淨土寺有兩石幢一
爲唐開元十九年一爲後唐長興三年

宋羅漢寺

金石考東羅漢寺禪院碑天聖八年張觀
奉勅撰施府志羅漢寺在牛山之南嵩山之北前

有水東北注羅即白馬溪之源也羅水上流又有蒲
池水注之蒲池水源有菩提寺碑字剝落不詳何代
所建

金普安寺


李通志寺在鞏縣治南金貞祐二年建明
洪武中置僧會司於內

元玉晨觀

淵鑑類函太洞玉經曰玉晨宮中有玉映
之宮又有元君六淵之宮黃老圖華之宮上清復陽
宮太極上官主衆仙詞詠李通志觀在鞏縣西南
元至治元年建施府志玉晨觀在鞏縣蘇村保

舊志玉晨觀作玉宸

明崇慶觀 李通志觀在壘縣南洪武十五年建置道
會司於丙



華縣志卷之十七

金石

金石文字可以補史金之不及嗜古之士恒珍之
端斷屢蓋亦考鏡得失之林也然其出也
千百年後若神物為呵護焉擊得邑為最遠茲所搜
考者較他邑寥寥焉其為風雨所沉埋兵燹所灰燼
多矣嵩之陰邛之垂豈無武士繡於荒榛敗塹守者
乎俟其人待其時而已志金石

帝堯雜璧書 佚

尚書中侯帝堯率羣臣東沉於維刻

壁書曰天子臣放勳德薄行不元施府志按水經注洛水入河處謂之洛汭黃帝東巡河過洛修壇沉璧帝堯修壇河洛擇良議沉又東沉書於日稷遂禪於舜其謂沉書於日稷者即尚書中侯所謂雒璧書也繫其事於洛汭丁即今鞏縣洛汭為沉書處刻書於壁稱天子臣者天子之子天之巨尊親之也放勳堯號德薄行不元元善也不元者自責之辭也對天自責將以禪舜也

晉九山廟碑

伏 水經注九山廟碑云九顯靈府君者

太華之元子陽九列名號曰九山府君也南隸崧岳

北帶洛蓋晉元康二年九月太歲庚午帝遣殿中中

郎將關內侯樊廣緝氏令王與傅演奉宣詔命興立

廟殿焉施府志九山在鞏縣西南金石考入登封

誤水經注箋太歲庚午一作太歲在戌皇帝遣云按

世譜晉元康二年太歲在壬子用歷經推之是年九

月乙亥朔無庚午日今詳所記太歲在九月下古人

無記太歲在月下一例恐傳寫舛譌或是衍文又緝

氏令王與傅演宋本作緝氏令王與主簿傅演

晉百盡將軍顯靈碑

伏

水經注九山又有百盡將軍

顯靈碑云將軍姓伊氏諱益字隴叟帝高陽之第二

子伯益者也晉元康五年七月七日順人吳義等建
立堂廟永平元年二月二十日刻石立頌贊示後賢
矣

晉潘岳父墓碑 佚 **水經注**羅水逕潘岳子父墓前有

碑岳父茆瑯琊太守碑石破落文字缺敗

晉潘岳墓碑 佚 **水經注**岳碑題云給事黃門侍郎潘

君之碑文云君遇孫秀之難闔門受禍故門生感覆
醢以增慟乃樹碑以記事太常潘尼之辭也

北齊小平津古冢銘 佚 **三齊典略**齊王澄以舟師還

次小平津津岸古冢崩有銘曰今卜高原千秋之後

化為下泉常逢朝主必為改派令更姓之

按北齊文紀亦載此銘無名氏撰但以津岸為北
岸與典畧原文異今考小平津在鞏齊王所次必
在南岸近邱山若在北岸地既不名
小平津且無高原古冢何自而崩乎
隋口雲寺石幢 開皇口年存 **施府志**鞏縣西南乾溝

休水澗西有白雲寺土人新掘出隋開皇間石幢
而文稱雙寶柱似尙有一埋土中也

唐康水文石 佚 **工部全集**載逸事云南十餘歲夢人

令采文石於康水依言得一石文云詩人本在陳芳

國九夜捫之麟篆熟聲振扶桑享天福

按少陵逸事載少陵先生少時遇仙人授一符合
於康水採文石先生佩之而往歸見仙人仙人曰

子道莊學獨吾符
命子文而不貴

唐尊勝陀羅尼經石幢

金石考開元十九年左率

府長史王元明立在石窟寺即淨土寺石幢筆法古

勁未詳何人所書

按石幢先刻陀羅尼經未刻唐開元十九年歲次辛未十一月景午朔十五日庚申前左率府長史王元明建立此幢又記唐大中八年歲次甲戌正月丙戌朔二十六日辛亥再立石幢又記漢乾祐年丙戌次沿灘月建辛酉五日辛巳重立此幢但唐諱丙故丙戌作景戌而大中下又有作丙戌不諱豈至宣宗時世久遠便不諱歟

唐佛頂尊勝陀羅尼經石幢

石刻儀鳳元年立

按石幢在西南牆
村深閣帝廟內

唐淨土寺故禪大德演公塔銘

石刻唐貞元十八

年歲次壬午正月二十二日建鞏縣尉楊叶撰明經

劉鈞書

唐淨土寺西院故大德禪和尚塔銘

石刻貞元十

八年正月二十六日建僧澄直撰

唐淨土寺太德塔銘

石刻元和十四年四月初八

日立釋門弟子文澁撰王淑清書

唐淨土寺毗沙門天王碑

石刻中和二年正月十

八日立朝議郎口口河南府鞏縣令王扎撰將仕郎

口口守右令軍衛口口參軍蕭薰書

後唐佛說尊勝陀羅尼經石幢存 **石刻**長興三年王

辰歲八月己酉朔二十三日辛未立 **金石考**長興

三年在石窟寺立

宋太平崗石碑佚 **舊志**太平興國二年帝入永安監

驪洛口賜西山曰太平崗新進士及第呂蒙正奉勅

書石隸書也雍正四年石猶存後河南徙沒於水

按綱目太平興國二年春二月賜禮部進士呂蒙正等及第夏四月葬永昌陵永昌大祖陵也在登

西南帝自汴送華則洛口為所必經之道驛驛崗下蒙正扈從賜名書石理有可信石廣四尺高八

尺中鑄太平崗三字旁一行小字云太平興國二

年四月己未臣呂蒙正奉勅書又按東都事略四月

月乙卯葬永昌陵今立石以山在送葬之後四

日送葬者出華返汴與驛洛口驛山驛山驛山驛山驛

賜名乙卯以前墓期

溫迫固無暇立石也

宋佛頂尊勝陀羅尼神咒幢存 **石刻**景德元年六月

二十四日建知鞏縣事曹寺丞幢于記前太常博士

直史館張孝隆口口監主簿張師錫書

按曹寺丞諱格字仲則絳郡太平人

宋羅漢寺禪院碑存 **金石考**天聖八年張觀奉勅撰

李九思書並篆額

宋皇從姪衛州防禦使遂國公墓銘 **金石考**嘉祐五

年歐陽修撰又歐公集載皇從姪筠州團練使安陸

監門衛將軍右屯衛大將軍武當侯右監門衛將軍
夫人周氏右監門衛將軍夫人金堂縣君錢氏武昌
君郭氏東陽縣君鄭氏俱葬河南永安縣修各為撰

銘

宋華陰侯仲連墓銘 金石考熙寧二年見溫公集

宋右屯衛大將軍令邦墓銘 金石考熙寧二年見溫

公集

宋皇從姪右屯衛將軍士此墓記 金石考熙寧三年

見溫公集在永安縣

宋西京鞏縣大力山淨土寺住持寶月大師碑銘 存

石刻紹聖二年十二月二十二日立丹川退叟贊皇

李洵遠游卷并書雲窗居士高陽許鼻德制象額永

定陵都監供脩庫使李宗立立石 見金石考

宋慈聖光獻皇后銅鐘讚 存 石刻建中靖國元年九

月口日奉議即知鞏縣事賜飛魚袋臣宋直方撰並

書 讚稽首圓通圓覺主圓含一切救有情圓修自

性妙湛然假以音聲而說法衆生聞音得悟解非色

非空亦非塵方便無邊行法門成就如來大圓智稽

首巍巍觀世音證入如是秘密門於一塵中現多身

於多刹塵現一相於不可說微塵劫而救不可說衆

生發起耳根直實門不與世間相流轉世間聲論已
宣明聲無無滅有非生生滅二諦悉圓口六根由是
皆解脫奇哉慶喜最多聞不知聞性常周普因鐘而
聞佛所呵不應更立鐘之事當知金鐘不可捨能於
未劫救沉淪茫茫六道迷昏衢得見鐘聲為慧日悲
酸惡趣忍穿中得湧鐘聲超彼岸鐘聲有是大福力
能越苦海如智航我願一切諸衆生聞是鐘聲同證
覺

按讚刻寶月大師碑陰上圖二銅鐘形
刻大鐘六千觔小鐘三百觔讚作行書

宋昭孝禪院主辯證大師塔銘碑存 石刻元祐八年

立馬都尉王詵撰并書翰林學士顧臨篆額

宋陀羅尼經石幢存 石刻崇寧元年立

按上一二石在康家店故城下為宋昭孝禪院遺址
碑埋土中乾隆五十年邑紳士康新民掘出立高
地

宋陀羅尼經序石幢存 石刻政和三年立

按石在康家店壽聖寺宋神宗勅建昭孝禪院
至正和間改為壽聖寺後遭兵燹明初遷山麓

宋石窟寺佛頂尊勝陀羅尼經幢存 石刻宣和三年

十月二十三日建懷州口口口書

宋陀羅尼經兩石幢

按幢在康家店牛王廟立額篆刻西京
永安縣橋西村餘字畫漫滅不可讀

金鞏令牛承直題石窟寺詩存
〔石刻〕大定十九年冬

冬二十日書

按牛承直石刻金人舊志誤作元人詩行書舊志詩中怡作悠疑帳作盈室漁作魚冷作幽崧作松積翠作翠藹底作祇遠作朴刑作間並從石刻正之載藝文

余中京敦請昭公長老祝壽文
〔石刻〕興復誌

門山寶應禪師第一代潛溪老人遷谷撰前中京習

守推官少中李公華國書
〔書〕中京上清宮玉清真武

公大順題額金興定三年三月口日

金鞏縣大力山石窟十方淨土禪寺嵩洛軒記
〔摩崖〕存

高天瑞應之撰前汝州口

大夫翟公進之書丹前汝陽縣令大中大夫隗公子

玉校勘金興定四年重九日縣令奉政大夫溫敦頴

陳建

按額嵩洛軒記篆書旁淨土禪寺興定已卯分書正文行書款識俱分書

金淨土禪寺方丈遺軌
〔摩崖〕〔石刻〕興定五年住持傳

法長老嗣祖沙門祖和立

金石窟摩崖碑記
〔石刻〕中順大夫苒盧氏合楊公

唐臣撰大中大夫前開封縣令王公登庸書丹中大

夫京行院經歷楊公雲鄉題額

按記首刻興定庚辰之秋尾刻古唐楊起記俱分書

撰 施府志張公碑嶮嶮書據元史本傳稱其善書
法得管人筆意鑿新錄載其自言一日能作三萬字
未嘗以力倦而衰

附佛龕題名

東魏天平二年五月十二日僧雲祥造佛一龕

按天平東魏孝靜年號天平二年為西魏大統元年

東魏天平二年五月二十四日比丘僧更造石像一區

西魏大統四年二月二十六日比丘僧靜造像二區

按大統為西魏文帝年號查北史魏武帝永熙三年魏主西奔丞相歡主洛陽追主不及遂集百官者老立清河世子善見為帝遷都鄴改元天平世

北齊天保二年三月崔賓元造像一區

北齊天保九年六月十五日王明治造石像

北齊河清三年三月十七日造像

北齊天統元年三月三日比丘僧護敬觀世音像三區

唐龍朔元年四月八日河濱鄉楊表軌造佛一區

唐龍朔三年五月七日比丘僧法稱敬造釋迦牟尼佛

并二菩薩加業二金剛力士并造七佛

唐乾封三年二月十五日鞏縣令路厲節妻容文刊

唐總章元年四月二日李光嗣造彌陀像一龕
唐咸亨三年七月十日魏師德粧像一龕

唐天后延載元年八月十八日比丘僧貞刊

唐天后久視元年六月二十八日弟子程某敬造立

迦一區

唐咸通八年六月女弟子蘇氏重粧

附紀遊石刻

宋王子應李子才王求中弟剛中姪成伯劉中權元祐

己巳二月二十九日遊此再宿泛舟自洛口還溫

宋宣和七年季冬十九日安陽宋霄昂

金鞏令楊翟林公綺子立孟津令渾源雷思西仲河南

兵官會寧完顏沙里木大定甲申四月十五日同來

